



Inatsisartunut ilaasortaq
Mimi Karlsen
Inuit Ataqatigiit

KNR-ip sumiiffimmi radlumik Voice of Greenlandimik pisinera pillugu apeqqtunut akissut

Asasara Mimi Karlsen

KNR-ip sumiiffimmi radlumik Voice of Greenlandimik pisinera pillugu apeqqtunnut qujanaq.

- 1) *Radioqarfiup KNR-ip pisiareqqammisaata "Voice of Greenlandip" nunarput tamakkerlugu tusarnaarneqarsinnaalernissaanut KNR-i naatsorsuuteqarpa?*

Akissut: KNR-ip ilisimatitsissutigaa februaarip aallartinnerani tamanna pillugu qinnuteqaat tunngavigalugu aallakaatitsinnaanermut akuersissut tigullugu. DVBT-kkut nuna tamakkerlugu nassitsisinnaanissamik KNR aamma qinnuteqarnikuvoq. KNR-ip tamassuma saniatigut ilisimatitsissutigaa radiokanalimi nutaami FM-ikkut nuna tamakkerlugu aallakaatitsisarnissaq siunertaralugu, taamaalillunilu nuna tamakkerlugu FM-ikkut aallakaatitsissut nutaaq pilersinneqareerpat aallakaatitsisarnissamut akuersissut atussallugu. Aningaasatigut teknikkikkullu nalilersuinerit ilanngullugit soqutigisaqartut, tassunga ilanngullugu Tele Greenland, isumaqatiginiarneqartariaqarmata tamanna qaqugu pissanersoq aammalu pissanersoq maannakkut aalajangerneqarsinnaanngilaq.

Ilimagineqarporli KNR piffissami qanittumi kanalikkut nutaakkut DVBT-kkut nuna tamakkerlugu aallakaatitsisalisasoq. Kisiannili KNR-ip anguniagaata piviusunngortitsinissaa aalajangersimasumik piffissalernerneqarsinnaanngilaq.

- 2) *Nuna tamakkerlugu radiokkut TV-kkullu ingerlatsiviup kiffartuussiffiusussap pisortaniit tamakkiisumik aningaasalersorneqarnera eqqarsaatigalugu sumiiffinni radioqarfinnik ikilisaqaataanissaanut Naalakkersuisut isumaqataappat?*

Akissut: Naamik. KNR-ip pingaarnertut siunertaraa, §§ 20 – 29 naapertorlugit, Kalaallit Nunaanni innuttaasut aallakaatitassianik kiffartuussinernillu assigiinngiaartunik neqeroorfingeqarnissamik qulakkeerinniffingeqassasut, tassani pineqarlutik nutaarsiassat, qaammarsaaneq, ilinniartitsineq, eqqumiitsuliorneq aliikkusersuinerlu il.il.

- 3) *KNR radiokanalimik pisinermigut aallakaatitsinissamut akuersissummik qulakkeerinneqaqqaarani ingerlatsisimanerpa, tamannalu KNR-imut qanoq kinguneqassava?*

Akissut: Aallaqqaasiullugu erseqqissarneqassaaq KNR aallakaatitsinissamut akuersissummik pigisaqarmat. Ajornartorsiut tassaavoq KNR-ip nuna tamakkerlugu

19-02-2015
Sags nr. 2015-111364
Dok. nr. 1869016

Postboks 1029
3900 Nuuk
Tlf: +299 34 50 00
Fax +299 32 20 73
Email: iklin@nanoq.gl
www.nanoq.gl

aallakaatitsinissamut akuersissummik pigisaqarnera. Radiukkut tv-kkullu aallakaatitsisarneq pillugu Inatsisartut inatsisaanni nr. 7, 8. juni 2014-imeersumi § 20, imm. 1-imi ersippoq nuna tamakkerlugu aallakaatitsisarnissamik KNR pisussaaffeqartoq, aammalu inatsimmi § 14, imm. 1, nr. 2-mut oqaaseqaatit naapertorlugit inerniisooqarsinnaavoq radio nuna tamakkerlugu aallakaatitsinissamik akuersissummik pigisaqareersoq sumiiffinni ataasiakkaani radiukkut aallakaatitsisinnaanngitsoq. Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfiup KNR-illu akornanni 22. januar 2015-imi ataatsimiinnermi isumaqatigiissutigineqarpoq nuna tamakkerlugu aallakaatitsisoqarsinnaanngippat KNR-ip sumiiffimmi aallakaatitsisarnera unitsinneqassasoq. Naalackersuisoqarfik tamassuminnga ingerlatitseqqiilluni ajornartorsiut aqqinneqarsimanersoq ulloq 4. februar mailikkut apeqquteqarpoq. Radio nuna tamakkerlugu suli aallakaatitsisoqarneq ajortoq paasineqarmat ulloq 10. februar 2015 ataatsimeeqqittoqarpoq, KNR-ilu toqqaannartumik peqquneqarpoq sumiiffimmi aallakaatitsisarneq tiimit 24-t qaangiutsinnagit unitsissagaa. Piffissap taaneqartup qaangiutinnginnerani peqqussut taanna KNR-ip malippaa. Taamaalilluni malittarisassat pineqartut malinneqannginnerannut tunngatillugu kinguneqartitsineq tassaavoq radio kanalikkut sumiiffimmi aallakaatitsisarnerup unitsinneqarnissaanik KNR-ip peqquneqarnera.

- 4) *Soorlu KNR-ip pisortaata tusagassiutitut nalunaarutigisimasaatunngooq, sumiiffimmik radiomik "Voice of Greenland"-imik KNR-i pisinermigut sulisut tigummiinnassavai?*

Akissut: KNR-ip ilisimatitsissutiginiuuua radiukkut aallakaatitsivimmik nutaamik pisinermut atatillugu sulisoq aalajangersimasumik atorfeqartinneqartoq ataaseq, sulisorlu tiimimusiaqartillugu atorfeqartinneqartoq sulisooreersut sulisorilerlugit. Nalilersuinnermut ilaavoq sulisut radiukanalip nutaap aallakaatitagassaattut kissaatigineqartunik pisariaqartinneqartunillu sulisut ilisimasaqartut pineqarnerat tassungalugu peqatigitillugu radiukkut aallakaatitsiviup KNR-ip aallakaatitsisarneranut ilanngutitinneqarnissaanut tapersiisinaallutik.

- 5) *KNR-ip radioqarfimmit KNR-imi sulisumit pisinnginnermini radioqarfiup qanoq naleqartigineranik kukkunersiuisartunit naliliisitsisimanagera toqqissisimanagerpoq. Taamaattorli pisisup aallakaatitsinissaminut akuersissuteqareerneru aallaavigalugu kukkunersiuisartut naliliisimanagerpat, tamannalu akiata naliliiffigineqarneranut qanoq isumaqarpa? Taava tunisisup allanut tunisigaluaruni aki taanna atuinnersimassagaluarnerpaa? (KNR-itut aallakaatitsinissamut akuersissuteqanngitsumut)?*

Akissut: KNR-ip ilisimatitsissutiginiuuua sumiiffimmi radiukkut aallakaatitsiviup nalinganik nalilersuineq tunngavigalugu Deloittep nalinganik aalajangiinnerani nalilersueriaatsit suliameq ingerlatsinnermi atorfeqartartut atornikuugai. Tamassuma saniatigut KNR-ip oqaatigaa suliffeqarfiit, peqatigiiffiit assigisaallu piumasaqaatinik eqqortitsippata qinnuteqaateqareernikkut aallakaatitsisarnissamik akuersissummik pippata akiata aalajangernissaanut sunniuteqartussaannngitsutut ilimagineqartoq, tassa KNR nuna tamakkerlugu aallakaatitsinissamut akuersissummik peqarmat. Taamaammatt KNR-ip nuna tamakkerlugu aallakaatitsisarnermik akuersissummik peqareerneru sumiiffimmi radiukkut aallakaatitsiviup pineqartup nalinganik aalajangiinnermut sunniuteqarsimanissaa oqaatigiuminaappoq.

- 6) *KNR-i ussassaarutitigut ukiumut 1 mio. kr.-inik isertitaqarsinnaanissaanik naatsorsuutiginninneq KNR-ip radioqarfimmik pisineranut qanoq apeqqutaatigiva? Pisinermi tusarnaagassiinissaq imaluunniit niuernikkut eqqarsaatersuutit eqqarsaatigalugu sorleq siullertut eqqarsaatigineqarpa?*

Akissut: KNR-ip ilisimatitsissutigini kuuaa tusarnaartartut inuusunnerit aallakaatitassanik amerlanerusunik neqeroorfigineqartarnissaat pillugu apeqqut kisimi radiukkut aallakaatitsivimmik nutaamik pisinermi tunngaviusimasoq. Aningaasalersuinermit tunngasut eqqarsaatigalugit KNR-ip naatsorsuutigisimavaa pisineq aningaasartuutiniq allannguissanngitsoq, imatut paasillugu akissarsianut il.il. aningaasartuutit ussassaarutinit isertitat atorlugit aningaasalersorneqassasut. Taamaalilluni pingaarnertut siunertaanikuvoq nunatsinni innuttaasut inuusunnerit qaninnerusumik attavigineqartarnissaat kiisalu inuusuttut KNR-imi aallakaatitassianik atuisarnerisa annertusarneqarnissaat. Tamanna KNR-ip innuttaasunik kiffartuussilluni aallakaatitsivittut nunatsinni innuttaasunik tamanik kiffartuussinissamik pisussaaffeqarnera tunngavigalugu isigineqassaaq, taamaalillunilu tassani ilaapput nunatsinni inuusunnerusut.

- 7) *Radiokkut TV-kkullu innuttaasunik kiffartuussinissap tamakkiisumik pisortanit aningaasalersorneqarnera eqqarsaatigalugu ussassaarutitigut isertitaqarnissaq Naalakkersuisut isumaat naapertorlugu qanoq naapertuutsigiva?*

Akissut: Naalakkersuisut isumaqarput Inatsisartut upernaakkut kingullermik ataatsimiinneranni inatsimmik akuersinermikkut radiukkut tv-kkullu aallakaatitsisarneq pillugu Inatsisartut inatsisaanni nr. 7, 8. juni 2014-imeersumi kapitali 6-imi ussassaarutinit aningaasalersuinerup annertussusissaannut sinaakkutissanik erseqqarissunik aalajangersaasut. Aammattaaq radiukkut tv-kkullu aallakaatitsisarneq pillugu Inatsisartut peqqussutaanni nr. 3, 17. maj 1990-imeersumi taamanikkut atuuttumi 1. januar 1991-imi atuutilersumi aalajangersakkat pineqarput. Inatsimmi aalajangersarneqarpoq KNR tusagassiuutinut, tassunga ilanngullugit sumiiffimmi radiukkut tv-kkullu aallakaatitassiorartunit kiisalu allaganngorlugit tusagassiorartunut, allanut atuuttut akerlianik sulisoqarfik nittartakkamini ussassaarutiniq ilanngussisassanngitsoq. Tamanna radiukkut aallakaatitsivinnut allanut atuuttut akerlianik KNR-imi radiukkut aallakaatitsiviup radiukkut ussassaarutiniq ataatsimoortunik sivisunerpaamik minutsinik tallimanik nassitsisinnaanera pillugu malittarisassanut tunngatillugu atuuppoq, ussassaarutillu ataatsimoortut aallakaatitat akornanni aallakaatinneqartassapput.

Tamassuma saniatigut oqaatigineqassaaq Inatsisartut inatsisikkut ilimagigaat KNR-ip aallakaatitsisarnermini ussassaarutit aqqutigalugit ilaatigut aningaasalersorneqassasoq, tamassumalu assigaa ussassaarutit sulisoqarfiup ingerlatsinermini tunngavigiunnaassappagit aningaasalersuutissanik allanik innersuussinissamut pisariaqartitsisoqalissasoq.

- 8) *Sumiiffimmi radiomik pisinnginnermini KNR-ip Naalakkersuisut eqqartueqatigisimavai? Taamaanngippallu KNR-ip Naalakkersuisullu tugasassiorfittut innuttaasunik kiffartuussisussatut naammassisaqarnissamut isumaqatigiisut rqaesimannginnerat (inatsisinik atuuttunik akerliisumik) eqqarsaatigalugu tamanna naammaginaruunerpa?*

Akissut: KNR-ip sumiiffimmi radiukkut aallakaatitsivimmik pisinera pillugu apeqqut sulisoqarfiup Naalakkersuisunut oqaloqatiginnissutigini kuunngilaa, Naalakkersuisullu sumiiffimmi radiukkut aallakaatitsivimmik pisilerneru pillugu aamma ilisimatinnegaratik.

Tamanna pillugu oqaatigineqassaaq ilaatigut nammineersinnaanermik tunngavik, KNR-i pillugu inatsimmi aalajangersarneqartoq, Naalakkersuisut ataqqigaat. Radiukkut tv-kkulu aallakaatitsisarneq pillugu inatsimmi § 30, imm. 1 naapertorlugu KNR-ip pisortat suliffeqarfiattut namminersortuunera, pingaartumik Naalakkersuisunut aamma Namminersorlutik Oqartussat allaffissornikkut ingerlatsinerannut tunngatillugu, KNR-ip annertuumik nammineersinnaanerata qulakkeerneqarnissaanut pingaartumik tunngavoq. Tamassumunnga ilaliunneqassaaq KNR-imi siulersuisut sulisoqarfimmi qullerpaajullutik aqutsisuusut tassungalu atatillugu KNR-ip ingerlatsinerani aalajangersakkat malinneqarnissaannik akisussaasusut.

Tamassuma saniatigut ilimagineqarpoq sumiiffimmi radiukkut aallakaatitsivik pineqartoq innuttaasunik kiffartuussinissaq pillugu isumaqatigiissut pillugu apeqqummut nammineq sunniuteqanngitsoq. Kingullertut taaneqartoq eqqarsaatigalugu innuttaasunik kiffartuussinissaq perpiarlugu immikkut apeqqutinnut Naalakkersuisut akissutaat innersuussutigineqassaaq.

Tassunga peqatigitillugu Naalakkersuisut oqaatigissavaat Naalakkersuisut naliliisut sumiiffimmi radiukkut aallakaatitsivimmik pisinikkut radiukanalimik nutaamik pilersitsinissaq pillugu KNR-ip isumaliutersuuteqarnerani immikkut ajornartorsiutit qulaajaaffigineqarnissaat siunertaralugu KNR qitiusumik allaffissuarmut ilisimatitsisimappat pissusissamisuussagaluartoq.

9) *KNR-ip radioqarfimmik pisineranut tamatumalu qanoq ingerlasimaneranut atatillugu Naalakkersuisut allanik oqaasissaqarpat?*

Akissut: KNR Namminersorlutik Oqartussanut politikikkullu ingerlatsineranut atassuteqannginneranik isiginninniartoqartussaagaluartoq, taamatut iliuuseqarnermi inatsilerinikkut ajornartorsiutit qulaajaaffigineqarnissaat siunertaralugu suliffeqarfiup suliassaqarfiinik oqartussaasunut KNR saaffiginnissuteqarsimanissaata naleqquttuunera pillugu apeqqummi 8-mi taaneqartut saniatigut naamik.

Inussiarnersumik inuulluaqqusillunga



Nivi Olsen